

SENIORCARE[®]

Prescription Drugs for Wisconsin Seniors



Lus Qhia Paub Txog SeniorCare

INFORMATION ABOUT SENIORCARE

SeniorCare yog Dab Tsi?

SeniorCare yog ib qhov kev pab nyiaj them nqi tshuaj rau cov neeg hauv lub xeev Wisconsin uas muaj hnuv nyoog 65 xyoos los yog tshaj saud thiab ua tau raws li kev sau npe tau txais kev pab cov cai. Qhov kev pab cuam no yog tsim los mus pab cov neeg uas muaj hnuv nyoog them lawv cov nqi tshuaj.

Leej twg thiaj sau npe tau rau hauv SeniorCare?

Kom muaj npe rau hauv SeniorCare koj yuav tsum:

- Yog ib tus neeg nyob hauv Wisconsin.
- Yog ib tus pej xeev neeg Meskas los yog muaj ntaub ntawv nkag teb chaws raws cai.
- Muaj hnuv nyoog 65 xyoos los yog tshaj saud.

Kuv yuav ua ntawv thov SeniorCare li cas?

Yog xav ua ntawv thov SeniorCare, hu mus thov ib daim ntawv ua thov kev pab ntawm SeniorCare Customer Service tus xov tooj ntawm 800-657-2038 los yog luam ib daim ntawm

www.dhs.wisconsin.gov/seniorcare. Nyob rau ntawm daim ntawv ua thov kev pab, koj yuav tsum muab koj tus Social Security naj npawb. Koj yuav tau them tus nqi sau npe \$30 txhua xyoo tauj ib tus neeg.

Thaum twg kuv thiaj ua tau daim ntawv thov?

Qhov ntxov tshaj plaws uas koj thov tau yog lub hlis uas yog koj hnuv yug muaj 65 xyoos. Yog koj twb muaj 65 los yog tshaj saud lawm, koj yuav thov tau txhua lub sij hawm. Koj cov nyiaj pab yuav pib lub hlis tom qab koj ua ntawv thov.

SeniorCare yuav pab them npaum cas?

Koj qhov nyiaj uas tau los txhua xyoo yog qhov txiav txim seb yuav pab koj txog them twg hauv SeniorCare thiab SeniorCare yuav pab them npaum cas. Mus saib lub table nyob ntawm phab ntawv tom ntej no kom paub qhov yus rho yus nyiaj hauv hnuv tshos them thiab cov nyiaj uas pab rau txhua them ntawm qhov kev koom rau kev pab cuam.

Cov tshuaj twg yog cov pab them rau los ntawm SeniorCare?

SeniorCare pab them rau feem ntau ntawm cov tshuaj uas muaj npe dav-dav (generic thiab brand) thiab cov insulin uas yuav tau ntawm txee; kev pab them yuav txawv txav raws them ntawm cov nyiaj pab uas koj tau txais. Kev pab them nyiaj rau cov tshuaj feem ntau yog muab kom txaus siv txog 34 hnuv. Ib cov tshuaj tuav kab mob (maintenance drugs) kuj yuav muab kom txaus siv txog peb hlis.

Yog tias kuv muaj lwm qhov kev pab them nqi tshuaj lawm ne?

Yog koj twb muaj kev pab them nqi tshuaj los ntawm lwm qhov nyiaj pab tuav pov hwm kho mob (plan) lawm los, koj tseem muaj feem sau npe tau txais kev pab rau hauv SeniorCare. SeniorCare yuav ua hauj lwm nrog koj qhov nyiaj pab tuav pov hwm npaj kho mob uas koj muaj tam sim no. Cov neeg uas muaj npe tau txais kev pab hauv Medicaid tsis muaj feem tau txais SeniorCare.

Feem yus nrog them (copay) yog dab tsi?

Feem yus nrog them (copay) yog qhov nyiaj koj rho hauv koj hnab tshos los them txhua zaus uas koj mus nqa tshuaj hauv koj lub khw muag tshuaj.

Feem uas them ua ntej (deductible) yog dab tsi?

Feem uas them ua ntej (deductible) yog qhov nyiaj uas cov tswv cuab hauv Theem 2a, 2b, thiab 3 them txhua xyoo rau cov tshuaj uas nyob ntawm SeniorCare tus nqi (rate) ua ntej SeniorCare feem uas nrog them (copays) pib. Tsuas yog cov tshuaj uas mus yuav nyob ntawm SeniorCare tus nqi (rate) thiab muab siv los mus ua tau raws li feem uas them ua ntej (deductible) no.

SeniorCare tus nqi (rate) yog dab tsi?

SeniorCare tus nqi (rate) yog tus nqi uas muab txo kom tsawg (discounted rate) rau cov tshuaj feem ntau. Cov tswv cuab uas tseem them mus rau li lawv feem them ua ntej (deductible) yuav them SeniorCare tus nqi (rate) rau cov tshuaj uas pab them rau.

Spenddown yog dab tsi?

Spenddown yog tas nrho qhov nyiaj uas koj yuav tsum tau them rau cov tshuaj ua ntej koj hla mus rau ntu yus them ua ntej (deductible phase) ntawm koj kev sau npe kom tau txais kev pab. Yog hais tias koj yog SeniorCare ib tus tswv cuab uas tau txais kev pab nyob Theem 3, koj yuav tsum tau them feem yus them (spenddown) txhua xyoo. Feem yus them (spenddown) yog muab faib rau ib nkawm niam txiv thaum nkawv ob leeg muaj feem tau txais SeniorCare. Feem uas koj them (spenddown) yog qhov txawv ntawm koj qhov nyiaj uas tau los txhua xyoo ua ntej txiav se tawm thiab 240 feem pua ntawm tsoom fww tus ciam ntsuas cov uas tseem txom nyem (federal poverty level, FPL) tam sim no.

Tsuas yog SeniorCare cov tshuaj uas pab them rau uas mus yuav ntawm cov khw muag tshuaj tus nqi yuav (retail price) thiab li muab siv tau rau koj feem them (spenddown). Cov nqi tshuaj rau feem yus them (spenddown) yuav raug muab taug qab xyuas kom paub hauv tshuab fais fab (automatically) los ntawm SeniorCare qhov kev pab cuam. Thaum lub sij

hawm uas muaj feem yus them (spenddown), nws yuav tsis muaj qho txo cov nqi tshuaj kom tsawg.

Kuv yuav nrhiav ntaub ntawv kom paub ntxiv nyob qhov twg?

- Hu rau SeniorCare Customer Service tus xov tooj ntawm 800-657-2038 (suab) los yog 711 (TTY).
- Mus saib SeniorCare lub website, www.dhs.wisconsin.gov/seniorcare.

SeniorCare 2020 Cov Nyiaj Uas Tau Los Tsis Pub Tshaj thiab Qhov Yus Rho Yus Nyiaj Hauv Hnab Tshos Them raws Theem ntawm Kev Koom Hauv Kev Pab Cuam

	Cov Nyiaj Uas Tau Los Tsis Pub Tshaj	Qhov Uas Yus Rho Yus Nyiaj Hauv Hnab Tshos Them
Theem 1	Nyiaj tau los nyob rau ntawm los yog qis dua 160% ntawm FPL <i>Ib leeg:</i> \$20,416 <i>Ib nkawm niam txiv:</i> \$27,584	<ul style="list-style-type: none"> • Tsis muaj feem yus them ua ntej (deductible) los yog feem yus them (spenddown). • \$5 feem yus nrog them (copay) rau txhua hom tshuaj (generic) uas qhov kev pab them rau. • \$15 feem yus nrog them (copay) rau txhua hom tshuaj (brand name) uas qhov kev pab them rau.
Theem 2A	Nyiaj tau los nyob nruab nrab 160% thiab 200% ntawm FPL <i>Ib leeg:</i> \$20,417 rau \$25,520 <i>Ib nkawm niam txiv:</i> \$27,585 rau \$34,480	<ul style="list-style-type: none"> • \$500 feem yus them ua ntej (deductible) tauj ib tus neeg. • Them SeniorCare tus nqi (rate) rau cov tshuaj uas qhov kev pab them rau kom txog rau thaum \$500 feem yus them ua ntej (deductible) ua tau tas. • Tom qab \$500 feem yus them ua ntej (deductible) ua tau tas, them \$5 feem yus nrog them rau txhua qhov tshuaj (generic) thiab \$15 feem yus nrog them rau txhua qhov tshuaj (brand name).
Theem 2B	Nyiaj tau los nyob nruab nrab 200% thiab 240% ntawm FPL <i>Ib leeg:</i> \$25,521 rau \$30,624 <i>Ib nkawm niam txiv:</i> \$34,481 rau \$41,376	<ul style="list-style-type: none"> • \$850 feem yus them ua ntej (deductible) tauj ib tus neeg. • Them SeniorCare tus nqi (rate) rau cov tshuaj uas qhov kev pab them rau kom txog rau thaum \$850 feem yus them ua ntej (deductible) ua tau tas. • Tom qab \$850 feem yus them ua ntej (deductible) ua tau tas, them \$5 feem yus nrog them rau txhua qhov tshuaj (generic) thiab \$15 feem yus nrog them rau txhua qhov tshuaj (brand name).
Theem 3	Nyiaj tau los ntau tshaj 240% ntawm FPL <i>Ib leeg:</i> \$30,625 los yog ntau dua <i>Ib nkawm niam txiv:</i> \$41,377 los yog ntau dua	<ul style="list-style-type: none"> • Them tus nqi (retail price) rau cov tshuaj uas qhov kev pab them rau thaum lub sijhawm uas tseem muaj feem yus them (spenddown). • Tom qab feem yus them (spenddown) ua tau tas, ua kom tau \$850 feem yus them ua ntej (deductible) tauj ib tus neeg. • Them SeniorCare tus nqi (rate) rau cov tshuaj uas qhov kev pab them rau kom txog rau thaum \$850 feem yus them ua ntej (deductible) ua tau tas. • Tom qab \$850 feem yus them ua ntej (deductible) ua tau tas, them \$5 feem yus nrog them rau txhua qhov tshuaj (generic) thiab \$15 feem yus nrog them rau txhua qhov tshuaj (brand name).

Cov Lus Tsis Pub Cais Neeg Tsis Raws Cai

Department of Health Services yog ib tus tswv hauj lwm thiab yog ib qhov chaw muab kev pab cuam uas muaj vaj huam sib luag rau sawv daws. Yog koj muaj ib tus mob xiam oob qhab es xav tau cov lus no ua lwm hom kom koj thiaj nyeem tau, los yog xav kom muab txhais ua lwm hom lus, thov hu rau SeniorCare Customer Service ntawm 800-657-2038 (suab) los yog 711 (TTY). Tas nrho cov kev txhais ntawv yog pab dawb xwb. Yog muaj lus nug txog neeg cov cai hu rau 608-266-9372 los yog 888-701-1251 TTY.